

lávkkis lávkái  
Ruonashádja rahttáhádja  
Ruvdorásit  
boska  
juopmu  
allagasain duottarjávrrit  
almmáivuostá

Čohkás čohkii  
dát eatnamat leagit  
lágus láchkui  
vuomis vuopmái  
vággái

Čearpmatgiellit  
miesseguolbanat  
guottetbáikkít

*Áillohaš/Nils Aslak Valkeapää*

### Sátnečilgehusat:

*Rahttáhádja* – hádja mii šaddá/badjána go urbbít, šattut ja rásit rahpasit/liđđot

*Ruvdorásit* – dakņasat dahje rásit mat šaddet rávddain, nammalassi vuovderavddain, giedderavddain ja geaidnoravddain. Láchku – viiddis gobádat (ii čienjal) duoddaris/allodagain.

### Bargobihtát

1. Mii lea guovddážiš čálli eallimis?
2. Makkár eallinoaidnoárbevrrui sáhtašii dán teavstta čatnat?
3. Čále don ge divtta mas ovttaskas sániin muitalat mii du eallimis lea dehálaš.



**Kommentára oahpaheaddjái:**

Áillohaš liikui duhkoraddat hábmemin, de danin leat su divttat seammás miellagovat ja jurddagovat. Sutnje divtta hápmi lei oassin divtta ollislaš govas. Go geahčat divtta dárkileabbo, de oainnát ahte vuosttaš ja maŋimuš 3 linnjá muittuhit guđet guoibmásat hámi dáfus ge – dan dihtii go vuosttaš oasis lea jođus dohko gos guohtumiid ja vuogas guottetbáikkiid gávdná, ja maŋimuš oasis namaha ge daid vuogas báikkiid. Dat mii lea gaskkas, govve daid eatnamiid maid divtta munpersuvdna vádjola.

**Mu ruoktu lea mu váimmus**

*Nils-Aslak Valkeapää*

Mu ruoktu lea mu váimmus  
Ja dat johtá mu mielde

Mu ruovttus eallá luohiti  
Gullo mánáid illudeapmi  
Biellut skállet doppe  
Beatnagat cillet  
Suohpan njurggasta  
Mu ruovttus šlivggodit  
Láđđegávtti healmmiit  
Sámi nieiddažiid biddojuolggit  
Liegga modji

Mu ruoktu lea mu váimmus  
Ja dat johtá mu mielde

Don dieđát dan viellja  
Don ipmirdat oabbá

Muhto maid dajan dieidda apmasiidda  
Geat gokčet dan visot  
Maid dajan sin jearaldagaje  
Geat bohtet eará máilmmis

Mot sáhhtá čilget  
Ahte ii oru gostege  
Dehe orru gal  
Muhto mun orun  
Buohkain dáin duoddariin

Ja don čuoččut mu seanggas  
Mu hivsset lea duoid miestagiid duohkin  
Beaivi lea mu lámpu  
Jávri lággunlihtti

Mot čilget  
Ahte váibmu lea mu ruoktu  
Ja dat sirdása mu mielde  
Mot čilget  
Ahte doppe orrot maiddái earát  
Mu vieljat ja oappát

Maid mun dajan viellja  
Maid mun dajan oabbá

Dat bohtet  
Ja jerret gos du ruoktu lea  
Dat buktet báhpiriid  
Ja dadjet  
Dát ii leat gean ge  
Dát lea riikka eanan

Riikka visot  
Dat ohcet assás duolva girjjiid  
Ja dadjet  
Dá lea láchka  
Ja dat guoská dunai

Maid mun dajan oabbá  
Maid mun dajan viellja

Don dieđát dan viellja  
Don ipmirdat oabbá

Muhto go dat jerret gos lea du ruoktu  
Dajatgo don ahte dát visot  
Skuolfedievás mii lávostalaimet  
Giđđajohtolat áigge  
Čáppavuomis mis lei goahti ragatáigge  
Min geasseorohat lea lttunjárga  
Ja dálvet min bovccot leat Dálvadasa  
guovlluin



Don dieđát dan oabbá  
Don ipmirdat viellja

Min máddarat leat dolastallan Allaorddas  
Stuorrajeakke-bálssain  
Viiddesčearus  
Áddjá-rohkki hohkai vuonas guollebivddus  
Áhkuváidni lávii suidnet Šelgesrođus  
Áhčči riegádii Finjubávtti vuollái boaldi  
buollašii

Ja vel dat jerret  
Gos lea du ruoktu

Dat bohtet mu lusa Ja čájehit girjjiid  
Láhkagirjjiid  
Maid sii leat ieža čállán  
Dat lea láchka ja dat guoská dunai  
Geahča

Muhto mun in geahča viellja  
In geahča oabbá  
In jienát maidege  
In sáhte  
Čájehan fal duoddariidda

Ja mun oainnán min duoddariid  
Min orohagaid  
Ja gulan váimmus dearpame  
Dát lea mu ruoktu  
Visot dát

Ja mun guottán dan iežan siste  
Váimmustan

#### Bargobihtá

1. Gávna osiid divttas mii čájeha eahpe-demokrátalaš válldi.
2. Maid don smiehtat eallima birra go dán teavstta logat?  
Ságastehket ceahkis dan birra maid dii smiehttabehtet dán teavstta birra.
3. Ságastehket dan birra mii boktá dis ilu, morraša, gillámuša ja duhtadeami.  
Lea go seammá áššit?  
Mo jáhkkibehtet eará kultuvrrain boktá ilu, morraša, gillámuša ja duhtadeami?